

鎮雄州志

可同日語哉是宜識其遠大以及近小垂典章焉
官於是者輒以三長盛業謙讓未遑其政偏而不舉
有自來矣屠君述濂呂君心哲先後攝篆以甫成之
書問敘於余余又暢然久之謂此不畏難者不負此
也其一節乎乃識之如是

歲

乾隆四十九年歲次甲辰嘉平下澣

知昭通府事沮陽孫思庭撰

原敘

嘗聞凡事有數故由來傳一飲一啄莫非前定語聖人不言此者蓋恐人事弗盡委以任運斯大不可也余今夏來署州篆適龔公國用從牛街至舊雨相要暢話今昔因談州志宜竟而前牧屠公並以見屬取而觀之已在垂成惟谿河津梁倉儲與省誌有不符官廉俸役食兵制有未詳是須添載更定者名勝古跡有須攷核揚厲者人物藝文有須增入者有更須搜羅者余則一一為撫拾補綴稍加點頭輒得就緒付諸剞劂嗟夫一誌也李公至草創粗畧固未成饒鎮雄州志

卷二

公夢銘收采兼雜又未成屠公志在鏤板無友討論以當遷去於是乎垂成而仍未成而余始得寓名其間且事非龔公所識乃始終部署以底於成凡此豈不皆有數存焉而有志者遂亦竟成耶

乾隆甲辰天中之前一日

汾陽呂心哲撰並書

敘

歷覽載籍仰紀天俯紀地中紀品物外紀塞徼
其間詔與不詔莫不繇人之善惡致之古良史
智足以通難知之意義足以發難顯之情不惟
廣求之際心蹟罕見縱隱微曖昧壹皆昭揭彰
著窮極底蘊其用歸於直筆實錄汲濁揚清以
信今傳後斯千載而下猶為興起故云見辱市
人越宿已忘見辱君子萬世不泯也若致粟作
色使升天入地則當時且穢之又遑論三長五
短耶郡邑有乘雖蕞爾一區其道亦由是也

國家重熙累洽刪定纂修覃敷

文教蠻夷率服皇哉盛矣鎮雄自

世宗憲皇帝雍正丁未建州設流迄我

皇上今乾隆甲辰五十餘載漸仁摩義丕變可封而
州志闕焉前刺史李公至饒公夢銘一再蒐輯
粗畫輪廓有志未逮觀而惜之余承乏以來風
土人情固已熟諳谿山里落具於聽睹間或諮
詢遺蹤憑弔故墟凡有所得錄而藏之於今五
年蓬勃篋笥余既樂州人之樸州人亦安余之
拙顧念官斯土者歷歷若而人風馳雲渺今皆

低徊陳蹟感慨係之雪泥鴻印旋復爾爾父母
斯名情久愈繫自維薄德無以貽後來及州人
士於是不辭誦陋撰彙成書文不雕飾門類畧
備雖講聞有限或愧表揚而耳目所及則斷不
忍掛漏致有湮沒聊用酬志未足信心但進退
之間庶幾期寡遺憾胸懷本趣微存於斯簡書
下逮入

覲期迫未竟之緒屬之呂公補直張皇並龔公叅定
讐校綜理鉅刻始卒其事焉將讀此編者歷指
其為宜為幸與夫可法可戒芳臭昭然無從掩

著輿論褒譏愈久彌真上焉者緣是而不敢涉
於惡下焉者緣是而益感發懲創而相率以起
於善卽

使輶軒采風亦且披卷備悉以獻

天子之廷是誌之所關不綦重哉異日者或博物君
子網羅散軼搜剔幽隱更極周詳如石鐘山之
記於蘇文忠岫嶁碑之釋於楊莊介又風氣適
然日上人文蔚起楨幹鳳麟為

國効瑞則增益藻繪香牋花管鼓吹
休明是又將為裨謚也已唯業未觀成鄉之為李

饒兩公惜者不又轉用自惜歟
乾隆甲辰歲清和既望

南洲屠述濂撰

凡例

一志畫之作雖不敢妄窺予奪而亦事存法戒
非但秩官人物卽俗之貞淫奢儉備載情狀亦
欲以動人欣厭用夏變夷駸駸禮樂轉相倡導
一境絃誦並望於士之翹楚焉
一人物志忠孝節義攸關倫常扶持世道固莫
重於斯而異術者流古史不廢三藏一行布夷
永禎諸人亦各成其一家至飛鳥喫酒驅鱷繫
虎徃徃又不在方外雖寥寥無幾亦各標門類
善善欲長竊取其義

鎮雄州志

卷之二

六

一志稿有前刺史李饒兩公所存舊牘雖荒畧
不免未竟之緒而筆露襤褸厥功在焉且意在
修輯志不可沒故更表而出之不敢掩人之善
一蘇文忠公謂文貴和平至足餘溢為奇恠乃
不得已又謂楊子雲終身雕蟲以艱深文其淺
易蓋文章高古本不由餽飣澁僻況記敘體裁
尤宜雅當簡潔興會鼓舞使覽者如接其人如
睹其事如臻其地斯為得之余固未能髣髴而
頗慕此境一切虬戶迅霆之類不令至筆端也
一各類弁言或紀寔而用以頌揚或援古而微

關激勸北事屬辭雖文不逮意然不欲富麗為
工至八景題咏聊用寄意不嫻風雅難入藝文
只書圖後

一邇地本乏載籍鎮雄歸流未久更鮮書紀士
夫耆老傳聞之間其言不雅馴者未敢濫收以
附闕疑之旨至山河里落名目鄙俚者祇仍其
舊朝歌勝母不更於時若強作解事則白門且
為笑矣

一祥異見一方者休咎應在守土蝗不入境虎
解遁蹟大星隕於州治德星奏於太史至誠感

鎮雄州志

卷之二

七

物匹夫動天理有然者若夫豐年為上瑞寔乃
千古雅言致詳致異當官得無凜之
一學校固

朝廷教育亦為地方氣脉子游述小人學道則易使
夫子趨其言是亦有便長上之事人家子弟耳
提面命朝課夕程恐無造就而民之秀者乃岐
視之豈復父母之道天命或限人不富貴斷不
限人不為賢傑所治得出偉人何殊芝蘭玉樹
生於庭階幸逢

盛代右文措置師生齋舍經籍膏火規模宏遠安

得不加意培植上副
國恩下對多士哉

屠述濂謹識

鎮雄州志

卷之一

續修凡例

一原志宏綱細目條例嚴明茲分類採附別以續修二字以清眉目

一新建廟宇橋梁附記於原志之後著明某地某年月經何人修建

一凡節婦無論其家有後無後必究生平僉符衆論始行附入若有指摘臨闕無濫

一新增人物藝文祥異必關乎治亂而近於理者方採入尋常概不登記以免繁冗

鎮雄州志目錄

卷一

輿圖 廟宇官廨附

星野 氣候附

山川 八景圖附

建置

疆域 形勢里甲附

城池 關哨津梁道路附

祀廟

公署 倉廩附

鎮雄州志

卷之一

九

卷二

典禮

朝賀

接詔

讀法

祀禮

祠廟

壇壝

迎春

救護

燕禮

賓興

鄉飲酒

勸農

卷三

學校 書院義學書籍附

風俗 夷俗附

戶口

田賦

課程

經費賞卹附

水利

儲積

羣祀

兵防師旅考附

卷四

封贈

秩官公署附

名宦

鎮雄州志

卷之一

選舉仕籍附

仕宦

人物志上

忠烈

孝義

文學

壽考

卷五

人物志下

列女節婦壽婦附

流寓

仙釋

方技

土司種人附

景勝古蹟塚墓附

物產

祥異

卷六上

藝文

綸音

詳稟

鎮雄州志

卷之一

卷六中

序

引文記書銘

卷六下

詩

詞賦傳數學

鎮雄州志卷之一

輿圖

不下堂而周知輪廣之數莫善於圖大而蕭相國收秦圖籍備悉天下阨塞小而李贇皇繪圖籌邊樓具識夷中要害凡說所未能暢者以圖達之斯了如指掌故圖與史並重焉我

朝四海一家幅幘無外卽知鎮雄一區古所謂牂牁外之西南夷者今猶在肘腋矣歸流以來浹洽

德化山川動植氣象雍熙夫其枕烏峯而襟赤水

鎮雄州志

卷之一

十二

領巴蜀而鎖滇黔土宇幾於千里巨鎮雄開唇齒中夏其間崇墉譙櫓壇廟學校官廳戎府倉庫戍亭橋梁道路修建增置月異日新規模宏整用具圖於首以考制度之全並見封疆之富

志輿圖

繪圖



鎮雄輿圖





鎮雄州志 卷之一



